

校正儒門事親

第六冊

瘡瘍癰腫第一

治蜈蚣瘡

良薑

白芨

瀝青

已上各等分

右為細末。嚼芝麻水同熬為膏。入冷水共定。用緋絹片火熨斗作膏藥。貼瘡上。

又方千年石灰

茜根燒灰

右為細末。用水調雞翎塗上。

水沉金絲膏

貼一切惡瘡

瀝青

白膠

已上各一兩

春秋宜用油

夏宜油蠟二錢半

冬宜用油蠟四錢

右件鎔開油蠟。下瀝青白膠。用槐枝攪勻。綿子濾過。入冷水中扯一千餘遍。如瘡透

了。喫數丸。作劑于瘡口。填者亦妙。攤紙上貼。勿令火炙。

乳香散

治下疳

乳香

沒藥

輕粉

黃丹

龍骨

烏魚骨

黃連

黃芩

戴人張子和著
新安吳勉學校

銅錄 已上各等分 麝香許

右為細末。先以溫漿水洗過。貼疔瘡上。

治蛇傷方

右用蒲公英科根作泥。塗貼于傷處。用白麪膏藥。貼之大効。

紫金丹 治疔瘡。

白礬兩四 黃丹兩二

右用銀石器內鎔礬作汁。下丹。使銀釵子攪之。令紫色成也。用文武火。無令太過。不及如有瘡。先以周圍挑破。上藥。用唾津塗上數着。無令瘡乾。其瘡潰動。取疔出也。兼瘡顏色紅赤為効。如藥未成就。再杵碎。炒令紫色。

治疔瘡

生蜜與隔年葱一處研成膏

右先將瘡周圍用竹鍼刺破。然後用瘡藥于瘡上攤之。用緋絹蓋覆。如人行二十里。覺疔出。然後熱醋湯洗之。

千金托裏散 治一切發背疔瘡。

連翹二錢

黃耆半兩

厚朴兩二

川芎兩一

防風兩一

桔梗兩一

白芷兩一

芍藥兩一

官桂兩一

木香錢三

乳香半錢

當歸兩半

沒藥錢三 甘草兩一 人參兩半

右為細末每服三錢用酒一碗盛煎三沸和滓溫服膏子貼之。

三聖散 治諸瘡腫

黃丹兩二 白礬飛二兩

右為細末每服乾摻瘡口上後用保生錠子捏作餅子貼之。

保生錠子

巴豆文四十九箇另研 麝香錢二

金脚信錢二

雄黃錢三

輕粉兩半

礪砂錢二

麝香錢二

右件為末用黃蠟一兩半化開藥將和成錠子冷水浸少時取出旋捏作餅子如錢

眼大將瘡頭撥破每用貼一餅子次用神聖膏藥封貼然後服托裏散若瘡氣透裏

危者服破棺散用神聖膏貼之。

神聖膏藥 貼治一切惡瘡

當歸兩半

沒藥錢三

白芨兩半

乳香錢三

藁本兩半

琥珀兩半

黃丹錢四

木鱉子去五箇膽礬一錢

粉霜錢一

黃蠟兩二

白膠兩三

巴豆去皮槐柳枝各長二十把

清油斤一

右件一處先將槐柳枝下油內煮焦取出次後下其餘藥物煮得極焦亦撈出却將

油澄清再熬成膏子。用緋絹上攤貼之。

破棺丹

大黃半兩

甘草二兩

荆三稜半兩

山梔子二兩

牽牛末二兩

右為細末。煉蜜為丸。如彈子大。每服半丸。食後酒半盞研化服之。忌冷水。

三聖散

治腫瘡。疔瘡。搭手。背疽等瘡。

葱白一斤 馬薹一斤 石灰一斤

右三味濕搗為團。陰乾為細末。貼瘡。如有死肉者。宜先用潰死肉藥。

潰死肉藥方

炊飯尖三兩各等

一等半兩入巴豆二箇

一等半兩入巴豆三箇

一等半兩入巴豆五箇各白鏡子

右先用二巴豆納瘡。如不潰。再用納三巴豆。又不潰。用五巴豆者。更用丹砂炒紅色。摻瘡口。追出清水。其惡肉未盡。至追出赤水。是惡肉盡。更用三聖散貼之。用膏藥傅之。

治腫瘡久不愈者

用川烏頭黃藥各等分為末。用唾津調塗紙上貼之。大有効矣。

治一切惡瘡方

以天茄葉貼之。或為細末貼之亦妙。

又方 用臘月中白燒灰。油調塗瘡疥上。

又方 以瓦松不拘多少。陰乾為末。先用槐枝葱白湯洗之過。搽之立效。灸瘡久不斂者更妙。

者更妙。

又方 以蒲公英搗之。貼一切惡瘡諸刺。

替鍼丸 治一切惡瘡。

川烏錢二 草烏錢二 五靈脂錢二 輕粉分 粉霜分

又方 加班猫二十箇去翅

右將三件為末。研令勻。次入輕粉粉霜研勻。又入班猫巴豆。以水調糊為錠子。散如炸

謂針頭散

懸蔓散 治發背惡瘡。

懸蔓一箇 大黃兩一 金銀花兩一 當歸兩半 皂角刺兩一

右剉碎用酒一碗煎至七分。去滓溫服。如有頭者加黍粘子。

治附骨癰及一切惡瘡。

當歸兩一 甘草兩一 山梔子兩一 木鱉子兩一

右為細末。每服三五錢。冷酒調服之。

治諸惡瘡

白殭蠶直者

大黃二味各等分

右為細末。生薑自然汁與蜜同和為劑。丸如彈子大。每服一丸。細嚼。

治惡瘡死肉錠子

巴豆一錢 波瀾去

五靈脂兩

黃丹二錢

加枯白礬錢

右為細末。以糊和丸。錠子入瘡內用之。

當歸活血散

治瘡瘍未發出。內痛不可忍。及婦人產前後腹痛。

當歸錢二

沒藥半錢

乳香半錢

白芍藥錢三

瘡瘍者。加人參。木香。婦人加赤芍藥。

右為細末。每服一錢。水一中盞。煎至七分。和滓溫服。日二服。婦人酒煎。瘡既發不須用。

薰惡瘡方

紫花地丁一名米布袋收

右取根曬乾。用四箇半頭。壘成爐子。燒着地丁。用絡埤埤一枚蓋了。使令埤眼內烟出。薰惡瘡。出黃水自愈。

治地瘡

用蒲公英科眼作塗。貼于傷處。用白膏藥封之。

接骨散 并治惡瘡

金頭蜈蚣筒一 金色自然銅研半兩燒紅醋碎 乳香二錢為細末用之

銅錢重半兩者或三文或五文燒紅醋研碎細 金絲水蛭一錢半作三截每箇為度 沒藥三錢研細

右為細末。如瘡腫處津調半錢塗立止痛。如見得出膿。先用粗藥末少許。小油少半匙同打勻。再入少半匙再打勻。又入前藥接骨散半錢。再都用銀釵子打成膏子。用雞翎掃在瘡腫處立止痛。天明一宿自破便効。如打折骨頭并損傷可用前項接骨散半錢加馬兜鈴末半錢同好酒一大盞熱調連滓溫服。如骨折損立接定不疼。如不折了。喫了藥立便止住疼痛。此方屢經效驗不可具述。服藥觀可以食前服。食後服。又外用接骨藥。

陳爛麻根兩把羊耳

亂絲者一握多

右取肥松節劈碎約量輕重。先放三兩根于新瓦上。都於上外三味在上燒着存性。就研為末。如生再燒研為度。後入五靈脂或半兩。如疼入好乳香少許。和藥如茶褐色為度。用布條子約纏一遭。先攤小黃米粥勻上。撒上藥末勻纏定折處上。又用軟帛三五重上。又竹篋子纏勒得緊慢得中。初三日換上一次。再後五日換一次。又七日再換上一次。無有不接者。

赤龍散 消散一切腫毒

用野葛根紅者去粗皮為末。新水調塗。腫上頻掃。新水

便癰方 本名血疔

牡蠣 大黃 甘草 已上各半兩 懸萋一箇

右酒浸露一宿服之。以利為度。

又方 冬葵子為末。酒調下三兩服。

又方 皂角不蛀者。燒過陰乾為末。酒調服。立効。皂角子七箇。水調服之亦効。

又方 胡桃七箇。燒過陰乾。研為末。酒調服之。不過三服大効。

又方 生蜜米粉調服。休喫飯。利小便為度。

治瘡無頭者

蛇退皮于腫處貼之。

又方 皂角刺燒灰陰乾。

右為末。每服三錢。酒調嚼。葵菜子三五箇。前藥送下。大効。

生肌斂瘡藥

白欬 定粉 各等分 黃丹 鈔

右同為細末。洗淨瘡口乾貼之。

治諸瘡水度腫者

生白礬末水調塗之自消。

接骨藥

銅錢焦兩醋浸碎

木香錢

自然銅錢

射香鈔

右為極細末。如在上食後。每服三匙。頭嚼丁香一枚。乳香一粒。無灰酒一小盞。在下食前。如不折。其藥反出。服罷。其痛不可當。勿疑。待一日。如骨未接。再服如前。老者十餘少者不過五七日。

萬聖神應丹出箭頭

菘岩科一名天仙子取着中一科

右於端午日前一日。持不語。尋見菘岩科。言道先生。你却在這裏。那道罷。用柴灰自東南為頭圍了。用木楔子。撮取了根。周迴土。次日端午日未出時。依前持不語。用鑷頭一隻。取出土。用淨水洗了。不令雞犬婦人見。于淨室中。以石臼搗為泥丸。如彈子。大黃丹為衣。以紙袋封了。懸于高處。陰乾。如有人着箭不能出者。用緋絹盛此藥。訖放臍中。用綿裹肚繫了。先用象牙末于瘡口上貼之。後用前藥。如瘡口生。合用刀子利開貼之。

治凍瘡

臘月雀腦子燒灰研細小。油調塗凍瘡口上。

又方 以正黃蘗為細末。用乳汁調塗瘡口上。
又方 以山藥少許。生於新瓦上磨為泥塗瘡口上。
治手足裂 白芨不以多少為末。水調塗裂處。

治面上瘡

用鐵子底黑煤。于小油中以匙打成膏子。攤在紙上貼瘡神效。

治金瘡血不止

用白薇末貼之立止。

善應膏藥

黃丹 斤二

南乳香 研

沒藥 研

當歸

木鼈子 生

白欵 生

官桂 三

杏仁 生

白芷 以上各一兩

新柳枝 各長一斤

除黃丹乳沒等。外八件用芝麻油五斤浸一宿。用鐵鍋內煎令黃色。藥不用。次入黃丹。鍋內柳條攪令黃色。方可擬下。用柳枝攪出大煙。入乳沒勻令冷。傾在磁盆內。候藥硬。用刀子切作塊。油紙裹。

接骨丹

五靈脂 兩

茴香 錢

右二味為細末。另研乳香為細末。于極痛處搽上。用小黃米粥塗了。後用二味藥末搽于上。再用帛子裹了。用水片子纏了。少壯人二日効。老者五六日見効矣。

治癬如聖丸

黃蘗 黃芩 黃連 防風 已上各半兩

白殭蠶兩 全蝎三分 輕粉錢半

右為細末。羊蹄根汁浸蒸餅為丸。如梧桐子。每服二三十丸。嚼羊蹄根汁送下。隨病人上下分食前後。又羊蹄汁塗癬。

治小兒癬雜瘡

白膠香 黃蘗 輕粉

右為細末。羊骨髓調塗癬上。

治瘰癧方

班猫翅去頭足 赤小豆 白殭蠶 苦丁香 白丁香 磨刀泥

右各等分。為細末。十歲已上服一錢。二十已上服二錢。五更用新汲水一盞調下。比至辰時見効。女人小便見赤。白色三兩次。男子于大便中見赤。白色為効。當日服白粘粥。不得喫別物。大忌油膩。患三四年者。只一服。七八年者。再一服。

玉餅子 治瘰癧一切惡瘡軟癬

右用白膠一兩磁器內鎔開去滓再于磁開後以草麻子六十四箇作泥入膠內攪勻入小油半匙頭柱點水中試硬軟添減膠油如得所量瘡大小以緋絹攤膏藥貼之一膏藥可治三五癬

又方治瘰癧

小龍肚腸一條乾 蟹殼裙襴炮

川練子五 牡蠣

大黃

牛蒡子燒存性

皂角子五

右為細末蒸餅為丸如菉豆大每服十五丸食後艾湯下日三服

又方將臘月貓糞用新瓦兩箇合在內外用鹽泥固濟燒成灰以小油調塗瘡口上
又方取小左盤龍不以多少為末陳米飯搜和得所丸如梧桐子大每服三五十丸却用陳米湯送下

治眉煉頭瘡

小麥不以多少燒冷黑色存性為末以小油調塗瘡上

治小兒疔瘡

羊糞熬湯洗去痴用屋懸燥炒羅為末以小油塗瘡上

聖靈丹

治打撲胸損痛不可忍者

乳香三錢另研

烏梅五箇去核細切燂乾為末

白萵苣子

二兩八錢炒令黃搗為末

白米一捻另研

右再入乳鉢內研數百下。煉蜜為丸如粟大。細嚼熱湯下。病在上食後。在下食前。出醫方

右用蕎麥楷一擔。不爛者燒灰存性。入石灰半斤。同灰一齊過令火滅。然後以熱水霖灰窩淋下灰水。用鐵器內煮。以捺起攪成膏子。于醫上點自出。或先以草莖刺破亦可。

又方桑柴灰石灰淋汁熬成膏。草莖刺破點。以新水沃之。忌油膩等物。燒湯火方

多年廟上物與走獸為末。小油調塗燒湯火瘡効。

又方生地黃汁入小油螞同熬成膏。磁器內盛用雞翎掃盪處。

又方牆上青苔燒灰。小油調塗燒燙處。

治燒燙方

生地黃旋取新者爛搗。取自然汁。入小油黃螞少許。銀石器中熬成膏子。用雞翎

掃瘡上

又方血餘灰用臘猪脂調塗。

又方寒水石燒過為細末。水調塗之。

枯瘤方

砒 硃砂 黃丹 雄黃 粉霜 輕粉 以上各等一錢

乳香錢三 沒藥錢一

同研為末。粥糊為丸。捏作碁子樣。爆乾。先灸破瘤頂三炷為則。上以瘡藥餅蓋上用

黃蘗末以水調貼之。數日自然乾枯落下。

又方以銅碌為末。草刺破瘤。摻在上。以膏藥塗之。

治頭面生瘤子。用蛛絲勒瘤子根。三二日自然退落。

乳香散 貼杖瘡腫痛。

大黃 黃連 黃蘗 黃芩 已上各三錢 乳香研 沒藥研另

以上各一錢 腦子抄

右四味為末。後入三味。冷水調勻。攤于緋絹上。貼杖瘡上。

治疔瘡

馬明退燒灰錢三 輕粉抄 乳香抄

右研為細末。先以溫漿水洗淨。乾摻之。

治疔瘡久不愈者

海浮石燒紅醋 金銀花

右海石二停。金銀花一停。同為細末。每服二錢半。如簽茶一般。日用二服。瘡在上食

後在下食前服如病一年服藥半年即愈。

瀉肺湯 治肺癰喘 坐卧不安。

桑白皮剉 甜葶隔紙焙 各一兩

右二味粗末每服三錢水一盞煎至六分去滓食後溫服以利為度。

桔梗湯 治肺癰吐膿。

桔梗剉 甘草剉

右為粗末每服六七錢水二盞煎至半盞去滓空心服須臾吐膿立愈。

黃蘗散 治鵬窠傲腰等瘡。

黃蘗 白芨 白欬 已上各等分 黃丹炒

右為細末涼水調塗。

口齒咽喉第二

地龍散 治牙痛。

地龍去 玄胡索 葶撥 已上各等分

右為細末每用一字用綿子裹隨左右痛于耳內塞之大効。

牙宣藥

葶撥 胡椒 良薑 乳香另研 麝香 細辛 青鹽 雄黃

已上各等分

右為細末。先以溫漿水刷淨。後用藥末于痛處擦。追出頑涎沫吐了。嗽數十次痛止。

忌油膩一二日。

仙人散 刷牙

地骨皮 浸二宿

青鹽 兩一

黍粘子 半兩

細辛 酒浸

右為細末。入射香少許。每用一字。臨卧擦牙。茶酒嗽良久吐出。

又方

石膏

細辛

柳椹

已上各等分

右為末擦之。

治牙疳

米二停

鹽一停

盆碱

射香 許

白礬

右相合。水半勺。紙包裹。燒黑焦為末。貼瘡上立愈。

治牙痛

口噙冰水一口。用大黃末紙燃。隨左右痛處。鼻內任之立止。

又方

韶粉 錢二

好朱砂 錢一

右為末。每用少許。擦痛處。

又方 好紅豆錢

花碱許

右為末。隨牙痛處左右鼻內嚙之。

又方 華細辛去 白茯苓去

川升麻 華撥 青鹽 明石膏 川芎

不蛀皂角皮去殼酥

已上各等分

右為細末。早晚刷牙。溫水嗽之。牙痛處更上少許。

又方

以巴豆去皮。用針刺于燈焰上。灸令烟出。薰牙痛處。薰三五上。

又方 高良薑一塊

全蝎一隻

右為細末。先用酸漿水嗽牙。次用藥末擦之。流下涎水即愈。

又方 治牙疼 花

牙坑痛立止

又方 枯白礬熟

之

治走馬咽痺

右用巴豆去皮。以綿子微裹。隨左右塞于鼻中立透。如左右俱有者。用二枚。

又方

用生白礬研細。塗于綿針上。按于喉中立破。綿針以榆條上用綿纏。作棗大是也。

又一法。如左右喉痺。于頂上分左右頭髮。用手挽拔之。剝然有聲立効。此法年幼時常

見鄭六嫂救人甚多。不得其訣。近與子正話。及方得其傳。

又一法以馬勃吹咽喉中立止。

治喉痺

大黃 朴硝 白僵蠶

右件同為細末。水煎量虛實用。以利為度。

口瘡方

白礬至一兩飛 黃丹一兩炒紅色放下

右二味為細末。摻瘡上立愈。

目疾證第三

治倒睫拳毛

將川山甲以竹篔子刮去肉。用羊腰窩脂去皮膜。仍將川山甲于炭上灸令黃色。用脂擦去山甲上。如此數遍。令酥為末。隨左右眼噙水。鼻內噙一字。一月餘見効。

又方

木鬻子三箇乾炒 木賊十節二 地龍去土條 赤龍爪則一百二十箇

右為細末。摘去倒睫。每日以紙撚蘸藥。噙之。一日三五次。

又方

穿山甲炮

地龍皮去

蟬衣

五倍子

已上各等分

右為細末。如用藥時。先將拳毛摘盡。後用藥一字。隨左右鼻內嚙之。次日目下如線樣微腫。是驗也。

貼赤眼

取青泥中蛆。淘淨。曬乾為末。赤眼上乾貼之。甚妙。

貼赤瞎

蘆甘石兩 蜜陀僧兩 黃連 朴硝

右方先將黃連用水熬成汁。入童子小便再同熬。後下硝又熬。少時用火煨蘆甘石。紅黃連汁內淬七次。與蜜陀僧末同為末。臨卧貼之。

貼赤眼

銅碌 輕粉 牙硝 腦子抄 麝香

右為細末乾貼之。

截赤眼方

黃連 碌礬 杏子 甘草 銅碌 各等分

右為粗末。水煎洗甚効。

碧霞丹 治赤眼暴發。并治赤瞎。

銅碌 白土 芒硝
 右件各分為末丸如皂子大每用白湯研化一丸洗之立効
 汾州郭助教家神聖眼藥

麩仁一兩 金精石二兩 銀精石二兩 爐甘石燒四兩 赤石脂一兩 滑石二兩

密陀僧二兩 秦皮一兩 黃丹飛過 銅碌錢三錢 礪砂錢三錢 礪砂半錢

乳香錢 盆硝許 青鹽 腦子 麝香 以上并少用之

右用東流水三升先入麩仁次用餘味等白沙蜜一斤熬至二升以線絹細濾過澄清入前藥攪之勻點大効

視星膏

白沙蜜一斤揀去蜜滓可 密陀僧水一兩金色者研極細

新柳筭子四兩去皮心

右用臘雪水五升與蜜鎔調入藥與柳筭子同貯于磁瓶中以柳木塞瓶口油絹封勒於黑豆鍋中熬從朝至暮仍用柳棒閣瓶防傾側用文武火另添一鍋豆水滾下旋於另鍋中取水添之熬成用重綿濾淨却入瓶中用井水浸三兩日埋在雪中更妙頻點為上

復明膏 治外障

白丁香臘月收者尤佳 棟黃連兩 防風指去蘆計一兩 新柳枝方三寸

右好四味用新水一升半。雪水更妙。春秋而三時。冬月一宿。以銀石器內熬至六分。

濾去滓。另用蜜一斤。蜜院僧研極細末三字。入蜜攪勻。另熬以無漆匙撩點下。蜜

中急攪候沸湯定。一人攪蜜。一人旋又攪藥汁。都下在內攪勻。再熬兩三沸。色稍

變。用新綿三兩。重濾去滓。盛器內點眼如常。本方每藥半合。用片腦一麥粒大。不用

亦可。

錠子眼藥

黃丹飛一兩 黃蘗半兩 去皮 黃連半兩 去鬚 枯白礬半兩 爐甘石半兩 黃連製 銅碌半兩

礪砂錢三 川烏炮三錢 乾薑錢二 蝎稍錢一 信半錢 灸 乳香抄 沒藥抄

右為細末。入豆粉四兩。澆蜜和就。如大麥許。錠子于眼大。皆頭待藥化。淚出為効。

治冷淚目昏

密蒙花 甘菊花 杜蒺藜 石決明 木賊節 白芍藥 甘草 各等分

右為細末。茶清調下一錢。服半月後。加至二錢。

又方 乾薑肥者為末。每用一字。浸湯點洗。

又方 貝母一枚。膩白者。胡椒七粒。為末。點之。

單治目昏

荆芥穗

地骨皮

楮實

已上各等分

右為細末。煉蜜為丸。桐子大。每服二十九。米湯下。

治一切目昏

川椒

一斤微炒鴨取

甘菊花四兩

生地黄一斤作泥極爛

右將地黃泥與前藥末同和作餅子。透風處陰乾。再為末。以蜜為丸。如梧桐子大。每

服三十丸。食後茶清送下。

洗眼黃連散

當歸

赤芍藥

黃連

黃柏

各等分

右細剉。以雪水或甜水濃煎汁。熱洗。能治一切風毒赤目。

諸物入眼中

好墨清水研。傾入眼中。良久即出。

點攀睛瘀肉

黃丹

飛過一兩二錢水

白礬一兩化成銀器

右將白礬于銀器內化成汁。入黃丹末在內。以銀匙兒攪勻。更入乳香沒藥各一錢。

慢火不住手攪。令枯乾為粉。候冷研極細。熟絹羅過。後入鷹條錢半。血竭二分。射香

少許。輕粉三分。粉霜二分。共研極勻。如粉。再以熟絹羅過。細末點之。大有神效。

青金散

芒硝兩一

螺青

沒藥

乳香

已上各少許

右為細末。每用少許。鼻內嚙之。

治雀目

炒黃色為細末

右油蠟就熟和為丸。如皂子。納于猪腰子中。麻纏蒸熟食之。可配米粥。

頭面風疾第四

治野黯風刺方

苦參斤一

紅芍藥

冬瓜

二味各四兩

玄參兩一

右為末。每用一字。用手洗面上。

猪蹄膏洗面上野藥

右用猪蹄一副。刮去黑皮。切作細片。用慢火熬如膏粘。用羅子濾過。再入鍋內用蜜

半盞。又用

白芷

黑豆皮去

瓜萸箇一

白芨

白欬

苓苓香

藿香

已上各一兩

鵝梨二箇細切

右將七味藥為末。同梨入藥一處再熬。滴水不散方成。以絹濾過。臨卧塗面。次日用

漿水洗面

治面風

益母草灰麩湯和燒七遍洗面用之。

治面黚黑斑點方

白附子而 白芨 白欒 蜜陀僧 胡粉 白茯苓 各等分

右為細末洗淨臨卧以乳汁調一錢塗面但洗光淨牛乳亦可。

治頭風

苦丁香 川芎 藜蘆 各等分

右為細末噙水鼻內噓之。

芎黃湯 治頭目眩運

大黃 荆芥穗 貫芎 防風 已上各等分

右為粗末大作劑料水煎去滓服之以利為度。

耳聾方 草麻子五十箇去皮

右與熟棗一枚同搗和丸如棗子大更入小兒乳汁就和每用一丸綿裹納于聾耳

內覺熱為度一日一易如藥難丸日中曝乾

又方口噙甘草一枚耳中塞二塊用綿裹立通

腦宣方

皂角不蛀者去皮弦子。蜜炙槌碎。水中揉成濃汁。熬成膏子。鼻內啗之。口中咬筋良。久涎出為度。

治耳底方

以枯白礬為末。填于耳中。立効。

治鼻中肉。螻蛄

赤龍爪

苦丁香

以上各三十箇

苦葫蘆子。鈔

射香。鈔

右為末。用紙燃子。點藥末用之。

臍臭方

烏魚膏錢三

枯白礬錢三

蜜陀僧錢一

右為末。先用漿水洗臭處。後用藥末擦之。

又方。蜜陀僧不以多少。研細。先以漿水洗臭處。乾擦。

烏頭藥

細針沙炒

蕎麩炒

以上各一盞

大麥同亦

醋半升。與前二味打糊。

凡用先使皂角水先洗淨時。前二味糊稀稠得所。于髭鬚上塗之。均勻。先用荷葉包。次用皮帽裹之。三五時辰。用溫漿水洗了。却收取元針沙。其髭髮淨後。用黑藥塗之。

黑藥方

沒食子

石榴皮

乾荷葉搗

已上各一兩

五倍子

柯子皮

百藥煎

金絲礬

礞礬另研旋點諸藥

間洗淨甚黑

右將七味為細末炒熟麪五六匙入好醋打麪糊和藥末再塗髭鬚又用荷葉封裹後用皮帽裹之三至五時間洗淨甚黑若更要黑先用猪膽漿水澤洗如鴉翎

又方

酸石榴

五倍子

芝蔴葉

右同杵碎用絹袋盛之于鐵器內水浸掠髮自黑

治大頭病兼治喉痺方歌曰

人間治疫有仙方

一兩殭蠶二大黃

薑汁為丸如彈大

井花調蜜便清涼

又法

以砭針刺腫處出血立効

治時氣

馬牙硝

寒水石

黍粘子

鬼臼

川大黃

鬼劍草

已上各等分

腦子抄

右六味為細末用新井花水一盞藥末一二錢入腦子喫外一半留用新水得稠雞翎掃在腫處有風涼處坐

解利傷寒第五

雙解丸

巴豆六錢 去皮 天麻二錢 半

胭脂少

右將巴豆天麻為末。滴水丸如林米大。胭脂為衣。一日一丸。二日二丸。三日三丸。以外不解先喫冷水一口。後用熱水下。如人行十里。以熱湯投之。

又一法。無藥處可用兩手指相交緊。扣腦後風門穴。向前禮百餘拜。汗出自解。

又一法。適於無藥處。初覺傷寒。傷食。傷酒。傷風。便服太和湯百沸湯。是避風處。先飲半碗。或以釐汁亦妙。以手揉肚。覺恍惚更服半碗。又用手揉至恍惚更服。以至厭厭心無所容。探吐汗出則已。

不卧散

川芎一兩 半

石膏七錢 半

藜蘆半兩 去

甘草二錢 半 生

右為細末。口噙水。鼻內各嚙之。少時喫白湯半碗。汗出解之。

川芎湯 解利一切傷寒。

川芎

藁本

蒼朮

右三件為細末。沸湯點三錢。須臾覺嘔逆便解。如不解再服之。

諸腰脚疼痛第六

皂角膏

右用醇酒二大椀。皂角一斤。去皮弦搗碎。熬至一半。沸去滓。再用前汁入銀石器熬為膏子。隨痛處貼之。

治腰脚疼痛方

天麻 細辛 半夏 已上各二兩

右用絹袋二箇。各盛藥三兩。煮熟。交牙慰痛處。汗出則愈。

牛黃白朮丸 治腰脚濕痛

黑牽牛 大黃 各二兩 白朮一兩

右為細末。滴水丸桐子大。每服三十九丸。食前生薑湯下。如要快利。加至百丸。

婦人雜症第七

如聖丹 治婦人赤白帶下。月經不來。

枯白礬 蛇床子 各等分

右為末。醋作麪糊丸。如彈子大。以胭脂為衣。綿子裹納于陰戶。如熱極再換。

洗洗丸 療婦人無子

當歸 熟地黃 已上各二兩 玄胡索 澤蘭 已上各一兩半

川芎 赤芍藥 白薇 人參 石斛 牡丹皮 已上各一兩

右為末。醋糊為丸。每服五十九丸。桐子大。空心酒下。

當歸散 治月經欲來前後腹中痛。

當歸微炒醋 玄胡索生 沒藥研 紅花用

右為末溫酒調下二錢。

治產婦橫生 草麻子三十箇。

研爛婦人頂上剃去髮少許以上藥塗之。須臾覺腹中提正。便刮去藥。却于脚心塗之。自然順生也。

治血崩 蠶沙不以多少。

右為末每服三五錢熱酒調下服。

又方 管仲去須剉碎。

或用酒醋煎三錢煎至七分去滓溫服一服立止。

當歸散 治血崩。

當歸兩 龍骨燒兩 香附子炒錢 椶毛灰兩

右為細末空心米飲調下三四錢忌油膩雞猪魚兔等物。

蓮殼散

乾蓮蓬燒灰 椶櫚皮及毛 各燒灰已上各半兩 香附子炒錢

右為細末每服三四錢空心米飲湯調下服之。

治婦人血枯 川大黃

右為末醋熬成膏。就成雞子大。作餅子。酒磨化之。

三分散 治產後虛勞。不進飲食。或大崩後。

白朮 茯苓 黃芪 川芎 芍藥 當歸

已上各一兩 柴胡 人參 已上各一兩六錢

熟乾地黃 黃芩 半夏洗

甘草炙 已上各六錢

右為粗末。每服一兩水一大盞。煎至半盞。去滓溫服。日二服。

治產後惡物上潮痞結。大小便不通。

芒硝 蒲黃 細墨 各等分

右為末。用童子小便半盞。水半盞。調下服之。

治婦人產後虛弱和血通經。

當歸焙 芍藥二兩 香附子炒

右為細末。每服一二錢。米飲調下。服之無時。

治婦人產後惡物不出。上攻心痛。

赤伏龍肝竈底焦

用酒調三五錢。瀉出惡物立止。

治娠婦下痢膿血及咳嗽。

白木 黃芩 當歸 各等分

右為末。每服三五錢。水煎去滓。食前加桑皮止嗽。

百花散 治婦人產中咳嗽。

黃蘗 桑白皮用蜜塗慢火炙黃色為度 二味各等分

右為細末。每服一二錢。水一盞入糯米二十粒同煎至六分。以欸冬花燒灰六錢攪在藥內同調溫服之。

治婦人吹嬾

以樺皮燒灰存性。熱酒調下三錢。食後服之。

又方 馬明退燒灰五錢 輕粉三錢 射香許少

右為細末。每服二錢。熱酒調下服之。

又方 以皂角燒灰。蛤粉和熱酒將來調數字。下得喉嚨笑呵呵。

又方 以淘米木杓上砂子七箇酒下。以吹帚枝透乳孔甚妙。

效嗽痰涎第八

九仙散

九尖草 麻子葉錢三

飛過白礬錢二

右用猪肉四兩。薄批。碁盤利開。摻藥二味。荷葉裹。文武火煨熟。細嚼。白湯送下。後用乾食壓之。

止嗽散

半夏洗一兩七次 湯

枯白礬兩四

右二味為末。生薑打麪糊和丸。桐子大。每服三二十次。空心温酒送下。

八仙散

欵冬花

佛耳草

甘草

鍾乳

鷲管石

白礬

官桂

井泉石

已上各等分

右為細末。每服三錢。水煎服之。一方中

三才丸 治嗽

人參

天門冬心法

熟乾地黄

已上各等分

右為細末。煉蜜為丸。如櫻桃大。含化服之。

三分茶

茶錢二

蜜兩二

蕎麥麪兩四

右以新水一大碗。約打千餘數。連飲之。飲畢。良久下氣。不可停人。喘自止。

石膏湯

治熱嗽

石膏亂文者一兩

人參去蘆半兩

甘草半兩

右為細末每服三錢新水或生薑汁蜜調下亦可。

三生丸 治嗽

胡桃仁一兩

生薑皮一兩切去

杏仁一兩

右二味同研為泥就和作劑可得十三四丸臨卧爛嚼一丸可數服即止。

化痰延壽丹

天麻一兩

枸杞子二兩

白礬生一兩半半

半夏洗一兩半湯

乾生薑一兩

人參一兩

右為細末好糯酒拌勻如砂糖用蒸餅劑蒸熟去皮杵白搗四五十杵便丸如乾入

酒三點丸如小豆大每服三五丸生薑湯下

半夏湯 治噦欲死者

半夏洗一兩

生薑二兩

右二味細切水二盞煎至八分去滓作二服食後

治肺痿喘嗽 漢防己

右為細末每服三錢漿水一盞同煎至七分和滓温服之

治年高上氣喘促睡卧難禁

右蘿蔔子搗羅為末。白湯浸調五七錢。食後服之。或炒或用糖蜜作劑為丸服之。

麻黃湯 治因風寒衣服單薄致嗽。
麻黃不去節 甘草用 杏仁用

右為粗末。每服三二錢。水煎。食後溫服。

心氣疼痛第九

失笑散 治急心痛并男子小腸氣。

五靈脂兩半 蒲黃兩半

右為末。每服三錢。醋半盞煎二沸。再入水半盞。再煎二沸。空心食前。和滓溫服之。

又方 醋一盞。加生白礬一小塊。如皂子大。同煎至七分。溫服立愈。

又方 高良薑兩半 山梔子兩半 蔚金兩半

又方 以新嫩槐枝一握。切去兩頭。水二盞。煎至一盞。去滓。分作二服。熱服之。

又方 沒藥 乳香 薑黃 玄胡索 已上各等分

右為末。每服三錢。水煎。食後服之。

小腸疝氣第十

抽刀散

川練子一兩 破四分 巴豆三箇

茴香一兩 鹽炒黃去鹽用之

右為細末。每服三錢。葱白酒調下。空心服之。

治陰痛不可忍

吳茱萸二兩洗七遍焙乾微炒

檳榔兩 茴香兩

右為細末。醋糊為丸。熱酒送下。十九丸。食前服之。

治偏腫 茴香 甘遂

右二味各等分為末。酒調二錢。食後服之。

又方 巴戟心法 川練炒 茴香炒

各等分為末。溫酒調二錢服之。

治小兒疝氣腫硬

地龍土去 為末。唾津調塗患處。

治小腸氣痛

全蠋兩 茴香炒一兩黃

右為細末。醋糊和丸。如梧桐子大。如發時。每服五七十九丸。溫酒送下。食前服之。

治小便渾濁如精之狀

沒藥 木香 當歸 已上各等分

右為末。以刺棘心自然汁為丸。如梧桐子大。每服五七丸。食前鹽湯下。

治小便頻滑數不禁

知母 黃蘗 已上各等分

右判碎酒浸透炒微黃為末。水丸梧桐子大。如服藥前一日。休喫夜飯。來日空心立服。米飲湯下一百丸。只見一服効後。喫淡白粥一頓。

蕩疝丹

川練子炒 茴香炒 破故紙炒 已上各半兩 黑牽牛錢 青皮 陳皮

已上各三錢 廣茂錢 木香錢

右八味為細末。用好酒打麩糊為丸。如梧桐子大。空心溫酒。食前下三十九。

灸疝法 放疝邊堅紋。左右交弦灸七壯。

腸風下血第十一

神應散 治腸風痔漏

牛頭角腮一隻酌中者 猪牙皂角七 穿山甲四十九片或圓取或四方取或一字取之 蝟皮兩

蛇退皮條

右五味錘碎。盛在小口磁器內。鹽泥固定。日中曝乾。瓶口微露出烟。用文武火燒紅。赤烟微少取出。放冷為細末。如服藥日。先一日臨卧細嚼胡桃仁半箇。如糊用溫醇糯酒一盞送下。不語便睡。至次日交五更服藥。驗病年月遠近。或秤三錢五七。

錢。用水半大碗。醇糯米酒半大盞相合。熱和藥服之。至辰時再服。又服。再依前服藥。不須用胡桃仁。久病不過七服。忌油膩魚蟹雞兔猪犬等物。大有神效。

溫白丸 治臟毒下血。

椿根白皮引酒去粗皮

右為末。棗肉為丸。如梧桐子大。每服三五十九。淡酒送。或酒糊丸。

治脫肛痔瘻

胡荽子升一 乳香許少 粟糠半升或一升

右先泥成爐子。留一小眼。可抵肛門大小。不令透烟。火薰之。

治脫肛

蔓陀羅花子 蓮殼對 椽椀筒十六

右搗碎。水煎三五沸。入朴硝。熱洗其肛。自上。

治痔漏下血不止

紫皮蒜十箇獨科者炒 大椒筒六十 豆豉兩

右搗爛為泥。丸彈子大。空心細嚼一丸。鹽湯下。日進三服。效。

治痔漏

白牽牛頭末兩 沒藥錢

右同為細末。如欲服藥先一日不食晚飯。明日空心將獾猪猪肉四兩燒令香熟。薄批摻藥末在內裹之。漸又細嚼食盡。然後用宿蒸餅壓之。取下膿血為效。量病大小虛實加減服之。忌油膩濕麪酒色。三日外不忌。一服必效。或用淡水煮肉熟。用上法亦可。又云服前一日不食午飯。并夜飯。明日空心服之。

又方 黑白牽牛一合炒黃為末。猪肉四兩切碎炒熟。與藥末攪勻。只作一服。用新白米飯三二是壓之。取下白蟲為効。

又坐藥黑鯉魚鱗二三甲。以薄編罽裹如棗柱樣。納之。痛即止。
淨固丸 治痔漏下血痒痛。

槐花炒 枳殼去穢 已上各一兩

右為細末。醋糊為丸。如梧桐子大。每服二十九。米飲湯下。空心食前。十服見効。

黃連貫衆散 治腸風下血。

黃連 雞冠花 貫衆 大黃 烏梅 以上各一兩

甘草三錢 枳殼炮 荊芥 已上各一兩

右為細末。每服二三錢。溫米飲調服。食前。

槐荆丸 治痔漏

荊芥槐花等分為末水煎一大碗服丸亦可為之。

又方 豆豉炒 槐子炒 各等分

右為末每服一兩水煎空心下。

薰漂藥 鳳眼草 赤皮葱 椒

三味搗粗同漿水滾過坐盆令熱氣薰痔但通手漂之如此不過三次愈矣。

小兒病證第十二

治小兒痺疳 蘆薈 史君子 已上各等分

右為細末米飲調下一二錢服之。

玉筋散 治小兒馬脾風

甘草煎水 甘遂末一字

右同油蜜生薑銀兒攪調下後用冷水半盞調奪命散。

奪命散 治小兒胸膈喘滿

檳榔 大黃 黑牽牛 白牽牛 各等分皆當各半生熟用之

右為細末蜜水調服之。

治小兒斑瘡入眼

麩炒蒺藜炙甘草 羌活防風等分搗

每服二錢漿水下

撥雲見日直到老

治瘡疹黑陷

鐵脚威靈仙炒一錢末

腦子分

右為末用溫水調下服之。取下瘡痂為効。

治小兒黃瘦腹脹

乾雞糞兩

丁香末錢

右為末蒸餅為丸。如小豆大。每服二十九丸。米湯下。

黃連散 治小兒頭瘡

川黃連

黃蘗去粗皮用

草決明

輕粉

已上各等分

右為細末。用生小油調藥于瘡上塗之立愈。

治斑瘡倒壓方

胡桃一箇燒灰存性

乾胭脂錢三

右為末。用胡荽煎酒調下一錢服之。

又方 人牙燒灰存性。研入射香少許。每服三錢。溫酒調下少許。服之。不拘時。

又方 小豬兒尾尖。取血三五點。研入腦子少許。新水調下。食後與服之。

又方 人中白臘。月者最佳。通風處以火煨成。煤水調三五錢。陷者自出。

消毒散 治瘡疹已未出。咽喉腫痛。

牛蒡子

二兩炒

甘草

半兩炒

荆芥

一分

右為粗末。每服三錢。水一盞。半煎至七分。去滓。溫服。不拘時。

治小兒斑瘡入眼

猪懸蹄甲

二兩。甘鍋內鹽泥。固齊燒焦為末用。

蟬殼

二兩。去吐。

羚羊角

鑄為細末。研之用。

右二味為末。研入羚羊角細末一分。拌勻。每用一字。百日外兒服半錢。三歲已上服

三錢。新水或溫水調下。日三四服。夜一二服。一年已外則難治之。

又方 透耳藥

朱砂

錢一分。粉霜八分。

右研為細末。水調少許。用匙杓頭。傾一兩點于耳內。中後用。

白菊花

萊豆皮

穀精草

夜明沙

右四味為末。用米泔半盞。熬成去滓。入乾柿十餘箇。再同熬。每日喫兩三箇。仍飲煮

乾柿湯

又方 治小兒斑瘡入眼

朱砂

腦子

水銀

射香

已上各等分

右四味研為細末。用水銀調滴入耳中。

發班藥 珠子七箇。研碎。用新水調勻服之。

破傷風邪第十三 陰毒傷寒亦附於此

辰砂奪命丹

鳳凰臺

川烏頭生

已上各二錢

射香抄

朱砂抄

右為細末。棗肉和為丸。如彈子大。朱砂為衣。鯉酒送下。量病人年甲虛實。加減用之。小兒半丸。以吐為度。不止以葱白湯解之。

治破傷風

病人耳塞。并爪甲上刮末唾津調塗瘡口上立效。無瘡者難用。

治破傷風

烏梢尾筒

兩頭尖筒

全蝎筒

右三味為細末。另用石灰五升。柴灰五升。沸湯五升。淋灰水。澄清下藥。熬之。鐵鍋器內攪成膏子。加稠。用唾津調。先用溫漿水洗淨瘡口。後塗藥。即時藥行。吐黃水。一日以新水嗽口即愈。

又方

天南星半熟

防風蘆

二味各等分

右為末。清油調塗瘡上。追去黃水為驗。

又方

白芷生

草烏頭尖生用

二味等分

右為末。每用半錢。冷酒一盞。入葱白少許。同煎服之。如人行十里。以葱白熱粥投之。

汗出立愈。甚者不過二服。

又方蜈蚣散

蜈蚣頭

烏頭尖

附子底

蝎稍

四味各等分

右為細末。每用一字或半字。熱酒調下。如禁了牙關。用此藥幹開灌之。

治陰毒傷寒。破傷風。

草烏頭燒熟去牙

麝香半錢

朱砂錢

右為細末。每服一字。以熱酒調下。食前服之。汗出為度。忌猪兔魚蟹粘葷肉。

治陰毒病者

用芥末以新水調膏藥。貼臍上。汗出為効。

又方。牡蠣乾薑末。新水調塗手心。握外腎。汗出為効。

諸風疾證第十四

不老丹 治一切諸風。常服烏髭駐顏。明目延年。

蒼朮四斤米泔水浸軟。竹刀子刮去皮。切片。子內一斤。用椒三兩。去白炒。黃去椒

何首烏二斤米泔水浸軟。竹刀子刮去皮。切片。子內一斤。用瓦甑蒸。先鋪黑豆三升。乾

合定。侯豆香熟。取出。不用棗豆。地骨皮重一斤

右件於石臼內。搗為細末。候用椹汁搜和如軟麪劑相似。磁盆內按平。上更用椹汁

藥上高三指。用紗綿帛覆獲之。晝取太陽夜取太陰。使乾再搗羅為細末。煉蜜和丸。如梧桐子大。空心溫酒下。六十九丸。忌五辛之物。

四仙丹

春甲乙採杞葉

夏丙丁採花

秋庚辛採子

冬壬癸採根皮

右為末。以桑椹汁為丸。每服五十丸。茶清酒任下。

起死神應丹

治癱瘓四肢不舉。風痺等疾。

麻黃

去根節河水五升熬去滓可成膏子五斤

白芷

二兩

桑白皮

二兩

蒼朮

二兩

甘松

二兩去土

川芎

三兩

苦參

三兩

加浮萍

二兩

已上各為細末。用膏子和丸。如彈子大。每服一丸。溫酒一盞化下。臨卧服之。微汗出。勿慮。如未安。隔三二日再服。手足即時軟快。及治卒中風邪。涎潮不利。小兒驚風。服之立効。

愈風丹

芍藥

川芎

白僵蠶

炒 桔梗

細辛

去葉 羌活

已上各半兩

麻黃

節去 防風

白芷

天麻

全蝎

炙以 甘草

錢二 南星

朱砂

半兩 為衣

右為末。煉蜜丸如彈子大。每服一丸。細嚼茶酒吞下。
香芎散 治偏正頭風。

貫芎 香附子炒 石膏亂紋者 良水飛 白芷 甘草 薄荷已上各一兩

一方川烏頭半兩炮皮去

右為細末。每服二錢。溫酒或茶清調下服之。

妙功十一丸 治癩。

丁香 木香 沉香 乳香 射香 荆三稜炮 廣茂炮

黑牽牛微炒 黃連 雷丸炒 鶴虱炒 胡黃連 黃芩 甘草炙 大黃焙

陳皮 青皮 雄黃 熊膽 以上各二錢半 赤小豆十三粒煮

白丁香直尖者三 百六十箇 輕粉四錢 巴豆粒七

右二十三味為細末。赤小豆煮爛研泥。同蕎麥打糊。和作十一丸。朱砂為衣。陰乾。服時水浸一宿。化一丸大便出。隨病各有形狀。取出為驗。或作化一丸。不可再服。曾經火炙者不治。遠年愈効。

朱砂滾涎散 治五癩。

朱砂硃 白礬勝 赤石脂 消石 以上各等分

右同為細末。研蒜膏如丸。菜豆大。每服三十九。食後荆芥湯下。

又方 朱砂不以多少水飛研為細末。

右用猪心血浸蒸餅為丸如菜豆大每服二十九空心金銀湯下之。

治諸風疥癬及癩

浮萍一兩

荊芥

川芎

甘草

麻黃半兩

以上各

或加芍藥

當歸

右為粗末每服一兩水一椀入葱白根豆豉同煎至一半無時服汗出為度。

治癩塗眉法

半夏生用

羊糞燒

已上各等分

右為末生薑自然汗調塗。

五九散 治癩

地龍去土

蟬殼

白僵蠶

凌霄

全蝎

已上各九箇

右同為末只作一服熱酒調下浴室中汗出粘臭氣為効。

苦參散 治癩風

苦參取頭末

猪肚箇

右以苦參末摻猪肚內用線縫合隔宿煮軟取出洗去元藥先不喫飯五頓至第二

日先飲新水一盞後將猪肚食之如吐了再食之食罷待一二時用肉湯調無憂散

五七錢取出小蟲一二萬為効後用皂角一斤不蛀者去皮弦及子搥碎用水四椀

煮至一椀。用生絹濾去滓。再入苦參末攪熟。稀麪糊膏子相似。取出放冷。後入餘藥相和藥附後。

何首烏二兩

防風二兩

芍藥五錢

人參三錢

當歸一兩

右為細末。入皂角膏子為丸。如桐子大。每服三五丸。溫酒或茶清送下。不拘時候。日進三服。後用苦參荆芥麻黃煎湯洗冷。

水腫黃疸第十五

治通身黃腫

蒺藜焙乾三四錢

右為細末。每用半字。於鼻內吹上。日三度。併吹三日。如不愈。後用黃芩末之前湯。五錢服下。

治蠱氣

取環腸草不以多少。曝乾水煎。利小便為度。

治黃疸面目遍身如金色

瓜蒂四箇

母丁香一箇

黍米四粒

右先搗瓜蒂為末。次入二味。同為細末。每用半字。夜卧令病人先噀水一口。兩鼻內各半字。吐了水。令病人便睡。至夜或明日。取下黃水。旋用熟帛搵了。直候取水定。便

服黃連散病輕者五日重半月。

黃連散 治黃疸大小便秘澀壅熱。

黃連兩三

川大黃一兩對碎醋拌炒過用之

黃芩

甘草炙

各一兩

右為細末每服二錢食後溫水調下一日三服。

治水腫不利小便非其法也故內經云濕氣在上以苦吐之濕氣在下以苦瀉之吐瀉

後長服益元散加海金沙煎以長流水服之則愈矣大忌脚膝上針刺出水取一時

之効後必死矣尤忌房室濕麪酒醋鹽味犯之必死。

水通散 治水腫

海金沙

舶上茴香

巴戟

大戟

甘遂

羌活

木通

滑石

通草

已上各等分

右為細末每服三錢以大麥麪和作餅子如當十錢大爛嚼生薑湯送下。

下痢泄瀉第十六

治痢

紫苑

桔梗

赤芍藥

白朮

已上各等分

右為細末每服三五錢細切羊肝拌之作麪角兒燒服之後用白湯送下食前。

治痢

杜蒺藜炒研為末。酒調下三兩服。

香豉丸 治痢

蒜為泥

豉為末

右二味相和作丸。如梧桐子大。米飲湯下五七十九。食前服之。

治大人小兒吐瀉腹脹胸膈痞閉

五靈脂

青皮

陳皮

硫黃

芒硝

已上各等分

右將硝黃於銚子內。以文武火鎔開。用匙刮聚。自然結成砂子。取出研碎。與前三藥同末。麪糊為丸。如菉豆大。小兒麻子黃米大。每服二十九。量虛實加減。米飲湯送下。無時。

又方治瀉 車前子不以多少。右為細末。每服二錢。米飲湯調下服之。水穀分吐瀉止。

諸雜方藥第十七

治消渴

棟黃連

二兩八九丸

右判如咬咀。以水一碗煎至半碗。去滓。頓服立止。

百日還丹

佛茄子

樟柳眼

已上各等分

為末。枸杞汁和丸。如雞頭大。每服十九。新水送下。

酒癥丸

巴豆箇六 全蝎箇五 雄黄塊一 白麩兩五

右為末。滴水丸如豌豆大。每一丸如痛飲者二丸。

立應丸 治臟腑泄痢膿血不止。腹中疼痛。

乾薑炮另末一兩 百草霜兩一 巴豆連皮用一兩 杏仁一兩同杵為泥後入霜研用

右用黃蠟四兩鎔開。臘次入前四味。用鐵器攪勻。旋丸桐子大。每服三五丸。甘草湯

下。白痢用乾薑湯下。食前。若水瀉。溫水下。

反胃 黃蘗末。熱酒調三五錢。食後服之。

治小便多 滑數不禁

金剛骨為末。以好酒調下。三錢服之。

又方 白茯苓去黑皮 乾山藥去皮白礬水內湛

右二味各等分為細末。稀米飲調下服之。

治卒淋痛

芫花散錢三 茴香炒黃微

右為細末。水煎服之。

治疝方

以水調白麩稀稠得所。趺上以紙封之。明日便乾。如不曾破者。剝去麩便行。

治大便秘

生麻子不以多少。研爛水調服之。

坐劑治大便久秘。攻之不透者用之。

又用蜜不計多少。慢火熬令作劑稀則粘手。硬則脆。稀稠得所。堪作劑。搓作劑樣。如

棗核大。粗如筋。長一寸許。蘸小油。內于肛門中。坐良久。自透。有加鹽少許。以素問鹹

以軟之。

交加飲子。治久瘧不已。山嵐瘴氣。

肉豆蔻十一箇 草豆蔻二箇 厚朴二寸 生薑汁製過用

甘草二寸半 生薑二塊 厚朴二寸 生薑汁製過用

右為末。每服分一半。水一碗。銀石器內煎至一大盞。去滓。溫服。發日空心。未愈則再服。

大真丸 補虛損

佛袈裟。男用。女用。男以新水四擔。洗盡血水。以酒煮爛為泥。

葳靈仙兩 當歸兩 確砂兩 蓮子肉炒熟 乾地黃酒浸 廣茂兩

甘草兩 牡丹皮兩 牛膝酒浸 木香兩 白朮兩 白茯苓兩

右為細末。與君主同搗羅為細末。酒浸蒸餅為丸。如梧桐子大。每服三五丸。三進。

日服

取雕青

水蛭取陰乾為末。先以白馬汗擦青處。後用白馬汗調藥塗之。

治蚰蜒入耳中

右用猫尿灌耳中立出。取猫尿用盆盛。猫以生薑擦牙大妙。

又方 黑驢乳灌耳中亦出。

又方 以濕生蟲研爛塗于耳邊自出。

辟穀絕食第十八

辟穀方

大豆五升 洗淨蒸三遍去皮為細末

糯米五升 淘淨同白茯苓一處蒸熟用之

大麻子五升 湯浸一宿漉出蒸三遍令口開去皮為細末

白茯苓五兩 去皮同上糯米一處蒸熟為用

右將麻仁末一處搗爛如泥。漸入豆黃末同和勻。便團如拳大。再入甑蒸。從初更着

火至半後夜住火。至寅時出甑。午時曝乾。搗為末服之。以飽為度。不得喫一切物。用

麻子汁下。第一頓一月不飢。第二頓四十日不飢。第三頓一千日不飢。第四頓永不

飢。顏采日增。氣力加倍。如渴飲麻仁汁。轉更不渴。滋潤五臟。若待喫食時分。用葵菜

子三合為末煎湯。放冷服之。取其藥如後。初間喫三五日白米稀粥湯。少少喫之。三

日後諸般食飲無避忌。此藥大忌欲事。

又方 茯苓餅子

白茯苓四兩為末

頭白麪一二兩

右同調水煎餅麪稀調。以黃蠟代油。燻成煎餅。蠟可用三兩。飽食一頓。便絕食。至三日。覺難受。三日後氣力漸生。熟果。芝麻湯。米飲。涼水。微用些。小潤腸胃。無令涸竭。開食時。用葵菜湯。并米飲稀粥。少服之。

又方 保命丹

人參兩五

麻子仁二兩 去皮炒

乾地黄

瓜蒞子炒

兔絲子浸酒

已上各二兩

生地黃

乾大棗

各三兩

大豆黃一升 煮

黑附子炮

去皮用之一兩

白茯苓

茯神

地骨皮去粗

蔓精子煮熟

杏仁去燻

麥門冬心 炒去

地膚子蒸

黍米作粉

粳米作粉

白糯米作

粉

天門冬心 炒

車前子蒸

側柏葉蒸

已上各二兩五錢

右同為細末。各揀選精粹者。臘月內合者妙。他時不可合。日月交蝕不可合。如合時。須揀好日。淨室焚香。志心修合。勿令雞犬婦人見。又將藥末用蠟一斤半。濾去滓。白蜜一斤。共二斤半。一處溶開。和勻。入白杵二千下。微入酥油。丸如梧桐子大。每服十丸。服至五日。如來日服藥。隔宿先喫糯米一頓。粳米白麪皆可。次日空心用糯米粥。

飲送下如路行人服。遇如好食喫不妨。要止便止。如喫些小蒸餅爛嚼嚙。或乾果子。以助藥力。不喫更妙。忌鹽醋。日後退下藥來。於長流水中洗淨。再服可百年不饑矣。

先生辭世詩一首

徘徊歲將暮。我今者破番成羞。青燈黃色已無用。死生默定何怨尤。倚闌無語笑西風。書劍不成空白頭。錯錯功名兩事自擔閣。休休富貴榮枯非自由。却以數事養愚叟。我今說破君知否。一張琴一壺酒一溪雪。五株柳謾昂藏。閑抖搜從今跳出是非叢。雖然盡屬風浪口。千年不復見。羨花縱有那能照。妍醜爭如拂袖傲林泉。追退興衰幾常久。紙窗土坑醉復醉。日夕間醒吞五斗。

又絕句四首

學劍功夫兩不成。年來蹤跡愈如萍。而今急水無魚釣。收拾漁竿海上行。
耽嗜醫經五十年。野芹曾獻紫宸前。而今憔悴西山下。更比文章不值錢。
齒豁頭童六十三。邇來衰病百無堪。舊游馬上行人老。不是當初過汝南。
幻化形軀事可悲。遽罹災患數難移。我應不達長生理。汝莫將來免死期。